

PAPURAU BUSNES

DYDD MAWRTH, 6 CHWEFROR 2001

RHAN 1 - ADRAN A

AGENDA

Bydd y cyfarfod yn cychwyn am 2pm

Cwestiynau i Brif Weinidog Cymru (30 munud)

Mae rhestr o'r Cwestiynau Llafar ar y Rhyngwyd (a Gwe'r Siambr)

Datganiad Busnes: Y Trefnydd

Pwyllgor Penderfyniadau Cynllunio

Cynnig bod y Cynulliad Cenedlaethol yn penderfynu:

1. Bod pwyllgor, i'w adnabod fel Pwyllgor Penderfyniadau Cynllunio 2001/1, yn cael ei sefydlu, yn unol â Rheol Sefydlog 35, i gyflawni swyddogaethau'r Cynulliad wrth benderfynu ar ddau gais o dan Adran 77 o Ddeddf Cynllunio Gwlad a Thref 1990 mewn perthynas â'r materion a nodir yn yr Atodlen i'r cynnig hwn, a bod swyddogaethau'r Cynulliad yn y cyswllt hwnnw yn cael eu dirprwyo i'r Pwyllgor hwnnw;

2. Mai aelodau'r Pwyllgor fydd:

Richard Edwards

Karen Sinclair

Geraint Davies

David Davies

3. Bod y pwyllgor yn peidio â bod pan fydd Cadeirydd y Pwyllgor yn llofnodi'r llythyrau penderfynu yn unol â Rheol Sefydlog 35.16 neu ar 28 Chwefror 2001 p'un bynnag sy'n dod gyntaf.

4. Os yw'r Pwyllgor yn peidio â bod heb i'r Cadeirydd lofnodi'r llythyrau penderfynu mewn perthynas â'r materion a nodir yn yr Atodlen i'r cynnig hwn yna yn yr achos hwnnw dirprwyir y swyddogaethau a nodir ym mharagraff 1 uchod, mewn perthynas â mater o'r fath, i'r Prif Weinidog.

Atodlen

Cais gan Bartneriaeth Williams Humphreys i godi datblygiad preswyl a gwaith trin carthion ar dir Neuaddfraith, Aberbechan, y Drenewydd, Powys.

Cais gan Mr T A E Price a Mrs G M Price ar gyfer datblygiad preswyl arfaethedig (codi 67 o dai annedd,

man chwarae, ffyrdd ystad, lledu'r briffordd gyffiniol a'r gwaith draenio) ar dir ym Mhwynt AO 2949 Llandysul, Trefaldwyn (Adnewyddu Caniatâd Cynllunio M18097).

Cymeradwyo Rheoliadau Porthiant (Cymru) 2001

Cynnig bod y Cynulliad Cenedlaethol yn:

Ystyried egwyddor Rheoliadau Porthiant (Cymru) 2001 a osodwyd yn y Swyddfa Gyflwyno ar 14 Rhagfyr 2000.

Cynnig bod y Cynulliad Cenedlaethol:

(a) yn ystyried Adroddiad y Pwyllgor Deddfau sydd heb nodi o dan Reol Sefydlog 11.5 unrhyw faterion sy'n destun pryder yn y gorchymyn drafft, Rheoliadau Porthiant (Cymru) 2001, a osodwyd yn y Swyddfa Gyflwyno ar 20 Rhagfyr 2000;

(b) yn cymeradwyo bod y Gorchymyn yn cael ei wneud yn unol â'r drafft a osodwyd yn y Swyddfa Gyflwyno ar 14 Rhagfyr 2000 a'r memorandwm cywiriadau yn unol â Rheol Sefydlog 22.13 (i) a osodwyd yn y Swyddfa Gyflwyno ar 29 Ionawr 2001.

Cymeradwyo'r newidiadau i Reolau Sefydlog 3 a 6

Cynnig bod y Cynulliad Cenedlaethol, yn gweithredu o dan adran 46(6) o Ddeddf Llywodraeth Cymru 1998, a Rheol Sefydlog 34:

- i. yn ystyried adroddiad y Pwyllgor Busnes a osodwyd yn y Swyddfa Gyflwyno ar 23 Ionawr 2001;
- ii. yn cymeradwyo'r gwelliannau canlynol i'r Rheolau Sefydlog;
- iii. yn penderfynu bod y gwelliannau'n dod i rym ar unwaith:

Rheol Sefydlog 3

1. Ym mharagraff 3.1 dileu "Ysgrifennydd Cynulliad" ac yn ei le rhoi "aelod o Bwyllgor y T".
2. Mewnosod paragraff 3.4 fel a ganlyn:

"Bydd y Cynulliad yn ethol Ymddiriedolwyr i Gynllun Pensiwn Aelodau Cynulliad Cenedlaethol Cymru yn unol â Rheolau'r Cynllun ar y pryd hwnnw yn dilyn cynnig a gynigir gan aelod o Bwyllgor y T."

3. Ailrifo gweddill y paragraffau yn Rheol Sefydlog 3.

Rheol Sefydlog 6 (Newidiadau canlyniadol)

1. Ym mharagraff 6.26A, dileu "Rheol Sefydlog 28" a rhoi yn ei le "Rheol Sefydlog 36".

2. Ym mharagraff 6.34A, dileu "Rheol Sefydlog 28" a rhoi yn ei le "Rheol Sefydlog 36".
3. Ym mharagraff 6.29(i), dileu "a dderbynnir rhwng 9am and 5pm" a rhoi yn ei le "a dderbynnir cyn 4pm".
4. Ym mharagraff 6.29(ii), dileu "a dderbynnir ar ôl 5pm" " a rhoi yn ei le "a dderbynnir ar ôl 4pm".

Dirprwyo Swyddogaethau Rheoliadau Ymbelydredd Ïoneiddiol (Datguddiadau Meddygol) 2000 i Brif Weinidog Cymru

Cynnig bod y Cynulliad Cenedlaethol, gan weithredu o dan adran 62(1)(b) o Ddeddf Llywodraeth Cymru 1998, yn penderfynu dirprwyo holl swyddogaethau'r Cynulliad Cenedlaethol yn Rheoliadau Ymbelydredd Ïoneiddio (Datguddiadau Meddygol) 2000 (sydd ar gael ar wefan HMSO: <http://www.legislation.hmso.gov.uk/si/si2000/20001059.htm>) i Brif Weinidog Cymru, ac eithrio'r rhai hynny nad yw'r gyfraith yn caniatáu eu dirprwyo.

Ni fydd dim yn y penderfyniad hwn yn lleihau goruchafiaeth awdurdod y Cynulliad llawn, nac yn lleihau swyddogaeth Pwyllgorau'r Cynulliad o ran adolygu effeithiolrwydd polisïau a datblygu polisïau newydd, fel y disgrifiwyd yn Rheol Sefydlog 9.7 (i), wrth gyfrannu at ddatblygu polisïau'r Cynulliad.

Dadl ar Setliad Llywodraeth Leol

Cynnig bod y Cynulliad Cenedlaethol, yn unol â Rheol Sefydlog 19.9, yn cymeradwyo'r Adroddiad Cyllid Llywodraeth Leol ar gyfer y flwyddyn ariannol 2001-02, a gafodd ei ddosbarthu i'r Aelodau drwy'r e-bost ac a osodwyd yn y Swyddfa Gyflwyno ar 30 Ionawr 2001 gan Weinidog y Cynulliad dros Gyllid, Llywodraeth Leol a Chymunedau; ac

yn unol â Rheol Sefydlog 19.8, yn cymeradwyo'r Adroddiad Grant Arbennig (Rhif 2) (Cymru) 2001, a gafodd ei ddosbarthu i'r Aelodau drwy'r e-bost ac a osodwyd yn y Swyddfa Gyflwyno ar 30 Ionawr 2001 gan Weinidog y Cynulliad dros Gyllid, Llywodraeth Leol a Chymunedau fel y bo modd talu i'r awdurdodau lleol perthnasol y grant trosiannol ar gyfer lliniaru effeithiau'r fformwla newydd ar gyfer asesiadau gwariant safonol ar yr awdurdodau hynny.

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad

am 9.05am ddydd Iau, 8 Chwefror 2001

J W Lloyd

Clerc y Cynulliad